

國朝文匯

百冊洋三十二元

吳肇甫詩集

一冊洋五

角

翁山文外

五冊洋五

元

汪大紳
羅臺山
彭尺木

合鈔

六冊洋二

元

翁山詩外

十二冊洋五

元

薛家三

合鈔

六冊洋二

元

王壬秋全集

十二冊洋二

元

隨園文鈔

二冊洋四

角

錢牧齋文鈔

四冊洋二

元

章太炎
譚復生

合鈔

五冊洋一元五角

角

顧仲恭文集

二冊洋一

元

林琴南
嚴幾道

合鈔

四冊洋一元二角

角

諸大名
家評校龔定盦全集

七冊洋二

元

百科大詞典

十二冊洋八

元

魏默深文集

六冊洋二

元

文科大詞典

十二冊洋八

元

胡稚威文集

四冊洋一元五角

香豔叢書十集

四十冊洋十

元

戴南山
方望溪合鈔

八冊洋二

元

古今說部叢書十集

六十冊洋十六元

元

周鄧山春酒堂文集一冊洋八

角

明宮史

二冊洋一

元

全謝山文鈔

八冊洋三

元

佛爾雅

二冊洋六

角

吳肇甫文集

五冊洋一

元

青樓小名錄

四冊洋一

元

聊齋文集卷下

淄川蒲松齡留仙著

擬

上至孝性成恭遇

皇太后萬壽聖節

御製萬壽無疆賦仍

命翰詹諸臣擬作進呈

御覽遂

賜御書各一幅謝表

康熙三十九年

伏以

介永福於岡陵。

慈母晉無疆之祝。

煥天章於松柏。

聖人昭不匱之誠。百官共祝。

遐齡萬國。羣瞻孝德。圖書彩溢。陬澨歡騰。

臣等

誠恐誠惶稽首頓首。竊惟君子

三樂純嘏。莫大於俱存。王者萬幾。至德莫先於立孝。故明發切二人之
念。晨昏謹三至之儀。顧復均等於昊天。劬勞尤專於母氏。赤虹繞霧。實
啟堯封。紫宿流輝。爰開禹甸。雜霸之主。尚有長信之朝。衰晚之侯。猶悔
城穎之誓。然甯親之典。少曠。則鞠子之情。已微。歌風而稱壽觴。徒矜德
色於一旦。因疾而改常度。遂開罅隙於兩宮。卽循定省之儀。莫盡順承
之孝。未有揮毫染翰。親成萬壽之章。拜手颺言。盡受百朋之錫。如今日
者也。伏遇

皇帝陛下

宏慈覆地。

廣孝同天。

瑞啟璇宮。敬

一人以宏萬邦之佑。

光生瑤席。先百行而合四海之歡。

至德高深。雖廣被乎率土。

皇心愷摯。尤獨切於庭幃。

念生育之恩。非玉食所可報。具

持載之德。豈

徽號所能揚。恭逢

萬壽之辰。

親製無疆之賦。奏鈞天之廣樂。香繞紅箋。同擲地之金聲。花生青縷。龍跳虎

臥。若曉漢之橫空。鶴舞鸞翔。類長風之卷旆。黃門捧出。羣驚

雲漢之章。

丹陛傳來。俾和陽春之曲。

天顏有喜。千臣共祝臺萊。

造物無私。百爾均霑雨露。十行

頒賜。固以寵異臣鄰。萬世珍藏。擬將永傳孫子。

臣等學詩未就。作賦難工。幸

居覆載之中。無忘

坤儀之博厚。共在長養之內。惟祝

嵩壽之遐昌。感

聖主所躬行。因思致

君以忠孝。沐

皇仁所寵錫。輒期報國以文章。伏願

道躋椿年。

治臻樛福。

老吾老以及人之老。永式命於九圍。

親吾親以及人之親。廣推恩於四海。

宗社享無疆之福。而

靈辰衍有道之長。兩儀可以參。三王不可匹矣。

擬

上允儒臣請鐫

御製詩文謝表

伏以

奎章絢爛。

帝藻彰龍鳳之文。

玉版精明。

天葩煥雲霞之采。壽金石而精光布濩。播宇宙而元氣淋漓。喜動蓬池。驚傳

芸閣。

臣等

竊惟聖主留心翰墨。哲王耽志琴書。四表流動。尙紀文明之

德。重華協帝。猶傳賡拜之章。虞夏典謨。盛世之逸音如在。商周誥誓。興王之大烈猶存。是皆煥乎其有章。祇以作者之爲聖。迨夫雄襟過沛。徒歌風起雲飛。秋宴橫汾。漫志菊芳蘭秀。卽建安之英風不振。止競聲華。

而大歷之宮體空存。不關性理。風斯下矣。文在茲乎。未有幸逢
聰睿之君。得覩風雅之盛。如今日者也。伏遇

皇帝陛下

學綜天人。

道超今古。

龍圖虎觀。共儒彥以平章。

東壁西清。衍圖書之秘密。惟

英謀神畧。固已續邁百王。卽斷楮片詞。亦自前無千古。

時作十行細札。擲地俱有金聲。

偶成七字長歌。流采皆成雲氣。

燦胸中之星斗。楚些非才。

揮紙上之烟雲。杜陵無技。情文盎溢。卽繡虎雕龍之譽。無能名焉。音韻悠
揚。誠陽春白雪之歌。難爲和也。此非侈風流於文字。固以

示意嚮於臣民。非若剗劑之能。効功

天上。何如瑯嬛之奧。布采人間。莊楷書成。寫作怒猊渴驥。良工心苦。雕爲鐵畫。銀鈎。金玉裝潢。一展帙而八埏驚霧。縹緗絨固。纔開卷而萬里飛雲。大道融於青編。榮光燭乎碧落。傳之奕禩。如赤刀大訓之留自

先朝。獻之上方。似大呂元英之陳於東序。臣等秩叨附鳳。技愧雕蟲。似從花筆夢中。還歸舊錦。祇向驪龍領下。剩得殘鱗。露灌薔薇。芬生齒頰。伏願

道心廣被。

文德旁敷。

因文藝而進考典墳。盡究帝王之要旨。

假翰藻而參求經傳。深維化理之淵源。將見禮備樂明。數百世之昌符永固。化行俗美。億萬年之慶歷長留矣。

擬

頒賜御書謝表

伏以

帝藻繽紛。瑤管煥雲雷之色。

天葩爛熳。霞縑分雨露之恩。

臨摹炳烺乎古今。

寵錫徧及乎侍從。承顏胥悅。拭目增榮。

臣等竊惟筆陣從橫。文字實生於蝌蚪。

天機隱現。圖書已兆於龜龍。惟六書爲六藝之宗。斯八法傳八卦之體。結

繩紀事。久而成文。摹穗書雲。變而益妙。摩厓碧落。推千古之專家。瘞鶴換

鵝。擅一時之獨步。鍾王顏柳。代有名家。米蔡蘇黃。並流清譽。間有聰明之

主。亦傳翰墨之芳。慶會閣之飛毫。固已龍文璀璨。逞籀壇之染翰。亦驚風

采淋漓。璽書以賜尉佗。老成歸命。手詔以答馮異。舊輔同心。然光武之御

札十行。時見遐方受惠。唐宗之飛白一紙。止傳近侍蒙恩。未有上下交而

志同。墨蹟屢頒於宮禁。明良合爲一體。奎章悉徧於朝班。如今日者也。伏

遇

皇帝陛下

應籙承天。

握符御世。

明堂博覽。化蒼生載地之仁。

便殿粲陳。納青鎖斷金之義。

視朝既暇。留心於典冊之間。

灑翰尤工。得意於烟雲之外。筆歌墨舞。若曉漢之橫空。鐵畫銀鈎。類長風之卷

旆揮。

鳳池之麗藻。獨劈瑤箋。灑

鶴禁之松烟。分沾鸞序。黃門捧出。瑞應金縢。絳幘傳來。光搖銀海。喜龍蛇之

飛動。睹雲漢之昭回。奇字屢吟。如廣樂之初陳。音移衆籟。寶章一覽。似太

陽之甫炤。芒掩繁星。承玉帙之有光。期珍藏而勿斂。臣等學書未就。投筆

無能。芸閣懷鉛。空抱鴉塗之技。蓬窗握管。未詳屋漏之痕。仰荷

優渥之隆恩。敢忘勤劬之微報。伏願

至德廣運。

文教誕敷。

網羅六藝之林。務盡丙丁甲乙。

馳驟八行之外。不徒文字語言。將見千年太史之河。

光浮若鏡。五色文昌之宿。氣蔚成珠。

擬

上允科臣奏請

賜宋儒邵雍子孫世襲五經博士謝表

康熙四十一年

伏以

昭代隆文明之治。禮重先賢。

聖朝念風流之豪。

恩加遠裔。榮忽生於望外。典遂出於異常。哲嗣騰輝。儒林動色。臣等竊惟興朝

重道式及居廬哲后尊賢世食天祿虞商之賓客繫馬於周魏狄之子孫授官於宋蓋類推之愛遂因屋而念其烏遺恩之存或惜棠而保其樹自忠厚之模既渺而覃恩之典無聞樂邵之家皂隸遂降於後世房杜之子門戶已壞於本朝以彼烏巷故堂空飛紫燕而況朝儀舊譜誰問青箱仲舒之故宅無恙乎空勞行人之矜式太白之後嗣猶存否徒煩觀察之流連墜緒茫茫道學感邱陵之變前徽渺渺布衣慚蘭玉之家未有桂馥蘭馨冠裳續箕裘之業

龍章鳳詔褒封驚綸綍之榮。如今日者也。伏遇

皇帝陛下

睿謀神授。

健質天成。

濬哲文明。志在堯舜仁君之列。
狗齊敦敏。耻居漢唐凡主之間。

立極開天。遠應五百年之運數。

讀書論世。尙友千萬古之英賢。先民之居。已見

宸翰賜額。元聖之緒業有

曠典加封矣。念道學固闡於宋儒。而易理尤精於邵子。不求富貴。始探八卦之微。欲作神仙。猶恐二程之笑。窩名安樂。傳貽後人。自昔參究微言。固屬有功於開繼。於今振揚道化。何可不錄其子孫。爰

推恩於草茅。俾備員於博士。陽春大造。施澤於不報之人。

天地宏恩。動心於無情之地。百年駿骨。忽增價於千金。一介儒生。遽濫竽於庶職。是固當朝之盛典。不以遠而或遺。遂使先哲之家聲。至於久而益著。

臣

等秩槐續貂。名慚附驥。恪守所學。惟書詩二義爲師。敬共厥官。與朱程二

氏爲友。仁義之道。遵爲許國之資。忠孝之誠。誓作致君之範。伏願

政由人舉。

德以日新。

君道與師道而並隆。文運偕

國運而交泰。

聖壽應南山之祝。君子萬年。
皇圖協東洛之符。本支百世。

擬

上念士習宜端

親製聖訓頒行學宮謝表

康熙四十一年

伏以膠庠徧地。

清時隆養士之文。

綸綍自天。

聖主廣作人之化。至教與

王言而並重。學宮得

帝藻以增輝。士習維新。文風不振。

臣等

竊惟型仁講讓。皆朝廷教士之方。立序

設庠。原國家儲才之地。虞廷以五品親百姓。厥有明揚。周室以三物教萬民。始登俊秀。自對策肇於漢代。而入設定自唐年。泮水青芹。掌之司成。及司樂。澤宮白矢。升之司馬與司徒。因言舉人。固將求德行於科名之內。衡文取士。實欲得經綸於帖括之中。奈世教寢衰。則士風漸敝。縱橫自肆。羣習揣摩之文詞。佻達無行。共遊子衿之城闕。惟縫掖之賤。爲聖教所弗加。斯孝弟之行。爲子弟所不謹。未有留心學校。敬煥天章。注意化成。親據睿藻。如今日者也。伏遇

皇帝陛下

不煥唐文。

重華虞哲。

揆文奮武。天河洗兵甲之光。

禮士親賢。旭日亘詩書之氣。

掃藝林之軋苗。化洽薪樵。

闢賢路之榛蕪。道亨茅茹。猶

念橫經之士。皆他年之耳目股肱。當使釋褐之先。預平時之文學德行。責司鐸於教秩。或不以稱職爲忠。付校士於學臣。恐第以守官爲事。爰抒

睿藻。用灑

宸翰。廣明德以新民。允矣治三二典。觀人文以成化。不獨言七六經。

頒諸學宮。恍見球圖之列。鐫之殿壁。應聞琴瑟之聲。萬里而遙。聽鈞天之黃鐘大呂。千秋而下。作儒林之玉律金科。士氣爲之奮揚。文風因而振刷。

臣等教慚蒸變。職愧司存。憂盛危明。計太平之人心世道。持盈保泰。仰

至聖之過化存神。身膺宣化之司。願竭承流之力。伏願

廣宣鞞鐸。

頻賁蒲輪。

諸九德之彌謨。官人於知人之後。

裕百年之教化。養士於取士之先。則頌慶歷之得才。奎躔聚德星之彩。如天